

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2016/1368****2020/EES/50/63****frá 11. ágúst 2016****um að taka saman skrá yfir mjög mikilvægar viðmiðanir sem notaðar eru á fjármálamörkuðum
samkvæmt reglugerð Evrópuþingsins og ráðsins (ESB) 2016/1011 (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) 2016/1011 frá 8. júní 2016 um vísitölur sem notaðar eru sem viðmiðanir í fjármálagerningum og fjárhagslegum samningum eða til að mæla árangur fjárfestingarsjóða og um breytingu á tilskipunum 2008/48/EB og 2014/17/ESB og reglugerð (ESB) nr. 596/2014 ⁽¹⁾, einkum 1. mgr. 20. gr.,

og að teknu tilliti til eftirfarandi:

- 1) Viðmiðanir hafa mikilvægu hlutverki að gegna við ákvörðun á verði margra fjármálagerninga og fjármögnunarsamninga og við mælingu á árangri margra fjárfestingarsjóða. Framlagning til viðmiðana og stjórnun þeirra er í mörgum tilvikum viðkvæm fyrir hagræðingu og aðilar sem eiga hlut að máli standa oft frammi fyrir hagsmunaárekstrum.
- 2) Til að gegna efnahagslegu hlutverki sínu þurfa viðmiðanir að vera dæmigerðar fyrir hinn undirliggjandi markað eða efnahagslega veruleika sem þær endurspeglar. Ef viðmiðun endurspeglar ekki lengur undirliggjandi markað, s.s. millibankavexti, er hætt á neikvæðum áhrifum m.a. á heildarvirkni markaðar, fjármögnun heimila (lán og veðlán) og fyrirtæki í Sambandinu.
- 3) Áhættan fyrir notendur, markaði og efnahag Sambandsins eykst gjarnan ef heildarvirði fjármálagerninga, fjármögnunarsamninga og fjárfestingarsjóða, sem vísa í tiltekna viðmiðun, er hátt. Með reglugerð (ESB) 2016/1011 er því komið á mismunandi flokkum viðmiðana og kveðið á um viðbótarkröfur sem tryggja heilleika og traustleika tiltekinnna viðmiðana sem teljast vera mjög mikilvægar, þ.m.t. vald lögbærra yfirvalda til að fela einhverjum framlagningu til viðmiðunar eða stjórnun viðmiðunar við tilteknar aðstæður.
- 4) Viðbótarkröfurnar og vald lögbærra yfirvalda að því er varðar stjórnendur mjög mikilvægra viðmiðana krefst formlægs ferlis fyrir ákvörðun á mjög mikilvægum viðmiðunum. Í samræmi við 1. mgr. 20. gr. reglugerðar (ESB) 2016/1011 telst viðmiðun vera mjög mikilvæg viðmiðun ef hún er notuð beint eða óbeint í samsetningu viðmiðana sem tilvísun fyrir fjármálagerning eða fjármögnunarsamning eða til að mæla árangur fjárfestingarsjóða, sem eru að heildarvirði a.m.k. 500 milljarðar evra á grundvelli allra mismunandi líftíma viðmiðunarinnar, eftir atvikum.

(*) Þessi ESB-gerð birtist í Stjtið. ESB L 217, 12.8.2016, bls. 1. Hennar var getið í ákvörðun sameiginlegu EES-nefndarinnar nr. 238/2019 frá 27. september 2019 um breytingu á IX. viðauka (Fjármálaþjónusta) við EES-samninginn (bíður birtingar).

(¹) Stjtið. ESB L 171, 29.6.2016, bls. 1.

- 5) Euribor-vextir (EURIBOR) mæla ótryggða millibankavexti á Evrusvæðinu og eru ein mikilvægasta vaxtaviðmiðunin á heimsvísu. Talið er að viðmiðunin liggja til grundvallar samningum að andvirði yfir 180 000 milljörðum evra. Meirihluti þessara samninga eru vaxtaskiptasamningar en viðmiðunin er einnig notuð í fasteignaveðlánum til einstaklinga, alls að andvirði yfir 1000 milljörðum evra.
- 6) Því er virði fjármálagerna og fjármögnunarsamninga sem nota þessa viðmiðun í Sambandinu langt yfir viðmiðunarmörkunum sem nema 500 milljörðum evra.
- 7) Í ljósi mikilvægis Euribor-vaxta fyrir lán og veðlán í Sambandinu ætti þessi reglugerð að öðlast gildi sem fyrst.
- 8) Ráðstafanirnar, sem kveðið er á um í þessari reglugerð, eru í samræmi við álit evrópsku verðbréfanefndarinnar.

SAMÞYKKT REGLUGERÐ ÞESSA:

1. gr.

Viðmiðunin sem sett er fram í viðaukanum telst vera mjög mikilvæg viðmiðun.

2. gr.

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 11. ágúst 2016.

Fyrir hönd framkvæmdastjórnarinnar,

Jean-Claude JUNCKER

forseti.

*VIÐAUKI***SKRÁ YFIR MJÖG MIKILVÆGAR VIÐMIÐANIR SKV. 1. MGR. 20. GR. REGLUGERÐAR (ESB) 2016/1011**

Euribor-vextir (EURIBOR[®]), sem Peningamarkaðsstofnun Evrópu (e. European Money Markets Institute (EMMI)), Brussel, Belgíu, stjórnar
